

Bil. S 27

**AKTA ANGKATAN BERSENJATA DIRAJA BRUNEI
(PENGAL 149)**

**PERATURAN-PERATURAN ANGKATAN BERSENJATA DIRAJA BRUNEI
(KADET TENTERA), 1998
(Dibuat di bawah bab-bab 6 dan 208(1))**

Pada menjalankan kuasa-kuasa yang diberikan oleh bab 6 dan cerai (1) bab 208 dari Akta Angkatan Bersenjata Diraja Brunei, maka Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Peraturan-Peraturan yang berikut –

- | | |
|-----------------------------------|--|
| Gelaran. | 1. Peraturan-peraturan ini boleh digelar sebagai Peraturan-Peraturan Angkatan Bersenjata Diraja Brunei (Kadet Tentera), 1998. |
| Penubuhan
Kadet Tentera. | 2. (1) Adalah dengan ini ditubuhkan suatu unit kadet tentera yang dinamakan "Kadet Tentera Angkatan Bersenjata Diraja Brunei" atau, dalam Bahasa Inggeris, "the Royal Brunei Armed Forces Military Cadets".

(2) Cawangan-cawangan Kadet Tentera boleh ditubuhkan di mana-mana satu atau kumpulan sekolah-sekolah menengah, maktab-maktab atau institusi-institusi pembelajaran yang lain. |
| Lantikan
Komandan
Kehormat. | 3. Kebawah Duli Yang Maha Mulia Paduka Seri Baginda Sultan dan Yang Di-Pertuan boleh melantik mana-mana orang yang layak untuk menjadi Komandan Kehormat Kadet Tentera. |
| Lantikan
pegawai-
pegawai. | 4. Orang-orang yang layak boleh ditauliahkan oleh Kebawah Duli Yang Maha Mulia Paduka Seri Baginda Sultan dan Yang Di-Pertuan untuk menjadi pegawai-pegawai Kadet Tentera. |
| Perintah Am. | 5. Pemerintah boleh membuat Perintah Am yang dipanggil "Perintah Am (Kadet Tentera)" yang tidak berlawanan dengan peruntukan-peruntukan Akta tersebut dan peraturan-peraturan atau aturan-aturan yang dibuat di bawahnya mengenai sebarang perkara yang berkaitan dengan pentadbiran Kadet Tentera. |

Diperbuat pada hari ini 26 haribulan Jamadilawal Tahun Hijrah 1419 bersamaan dengan 17 haribulan September, 1998 di Istana Nurul Iman Beta, Bandar Seri Begawan, Negara Brunei Darussalam.

KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN
NEGARA BRUNEI DARUSSALAM